



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorm Omnium Generalium Et Provincialium Collectio Regia

Ab anno DLXXVII. ad annum DXC.

Parisiis, 1644

Epistola CXVIII. Gregorii Papae I. Ad Syagrivm Episcopvm
Avgvstodvnensem. Vt Menatem & Theodorum episcopos in Italiam redire
compellat.

urn:nbn:de:hbz:466:1-15221

AD SYAGRIVM EPISCOPVM AVGVSTODVNENSEM.

Vt Menatem & Theodorum episcopos in Italiam
redire compellat.*Gregorius Syagrio episcopo Augustodunensi.*

CVm sacerdotalis dignitas aliis videatur dignitatibus
ceminere, ita quisquis ea ornatus est, cunctis se imitan-
dum debet ostendere; vt exemplo suo nulli nocere, sed
vitam potius valeat componere subiectorum. Nam si
actus dissentiat a nomine, quanto pontificatus ipse plus
erigit, tanto magis addicit. Itaque Menatem quemdam
episcopum, qui illic de diœcesi Romanæ ecclesiæ nostra
ordinatione profectus est, in tanta se leuitate didicimus
exhibere, vt & nobis de eo maior sit verecundia, & illi
episcopatus nomen non sit in honore, sed onere. Quod
quia pudoris nobis est de eo illa cognoscere, quæ in alia-
rum prouinciarum omnino reprehendimus sacerdotibus,
fraternitas vestra cum illic immorari amplius non permit-
tat, sed ad nos quantocius reuerti compellat, ac magis in-
uenta per omnia occasione transmittat: vt sub ea qua di-
gnum est obseruantia refrenatus, sæculares mores ad sa-
cerdotalem studeat conuertere grauitatem. Nam satis no-
xium atque perniciosum est, vt imitatione ipsius quæ ædi-
ficari debuerant destruantur. In qua re non solum ille cul-
pabilis, sed etiam qui non restiterit inuenitur: nam con-
sentire videtur erranti, qui corrigenda vt ressecari debeant
non corrigit. Quia vero Theodorus quidam episcopus, de
diœcesi reuerendissimi fratris nostri Constantii Mediola-
nensis ecclesiæ episcopi, disciplinam, vt dicitur, euitans, il-
lic venisse firmatur, hortamur vt & isto diligentius requi-
sito, ad episcopum suum vestra fraternitas retransmittat.
Et quia, sicut legitur: *Qui abiicit disciplinam infelix est*, nulla
eum illic se excusatione patiamini retinere, quatenus ipsi,
qui leuitatis eorum vitio possunt decipi, liberentur, & de
ipsis habere mercedem, ne in hac stultitia pereant, va-
leatis.

Sap. 3.

EPI-